

# جريدة محاكم

١٢٩٠

33

## صالي

نومرو	ربيع الاول	سنه	شباط	سنه	صفحة
٣٣	١٣	١٢٩٧	١٢	١٢٩٥	٢٥٧

- اشبو غزته بهر هفته صالي كونلري چيقار . سنه لكي التمش غروش وبهر نسخده سي التمش پاره \*
- مجديه اوله رق هر برده صاتييلور . درج اولته جق اعلاناتك بهر سطرندن ايكي غروش النور . \*
- سنه لکنه مشترى اولق استيانلر عدليه نظارت جليله سي اوراق مدير لکنه مراجعت ايتليدر \*

( محکمه تمپير باش مدعى عموميلکنه دن قوصوه )  
 ( محکمه استينا فيده سي مدعى عموميلکنه في ٢٨ )  
 ( صفر سنه ٩٧ تاريخيله يازيلان تحريرات )  
 ( صورتيدر )

جماياته دأر مدعى عمومى معاوندلكرندن ورود ايتكده اولان اوراق تحقيقيه بعد المطالعاه تنظيم اولتان اتهامنامه ايله برابر هيئت اتهاميه به كوندركده ومجرم دخي هيئت مذكوره جه اتهام اولنديغى حالده با ادعا نامه اقامه دعوا اولمقده ايسه ده قانونا اتهام وظيفه سي هيئت اتهاميه به طأد ايكن بره مظنون عليهك اتهامى اجرا واوراقى هيئت مذكوره به اسرا قلندقدده صكره هيئتجه برائى جهته كيدلديكى ويا خود جنائتله اتهام اولنوبده هيئت اتهاميه جرم واقعى جنحه درجه سنده كوره رك طأد اولديغى محكمه به حواله سنى كوسترديكى صورته نه وجهله حركت اولته جفته دأر بر ماده قانونيه اولديغندن واتهام مضبطه سي خارجنده اقامه دعوا اولته .  
 قانونك ايكي يوز اوتوز بشنجى ماده سنده

( في ١٥ صفر سنه ٩٧ وفي ١٦ كانون ثانى سنه )  
 ( ٩٥ تاريخنده بالجمله محاكم نظاميه رؤسائنه )  
 ( تسطير اولتان تذكره عليه صورتيدر )

دائرة بحريه دعاوى وكالتنه شهرى افتدينك تعيين قلنديغى طرف والاي قپودانيدن وقوعبولان اشعار اوزرينه ٦ صفر سنه ٩٧ تاريخلى تذكره ايله يلديرلشيدى افتدى مومى اليه بعض اعذار وموانع سرديله مؤخر خدمت وكالتى قبولدن استنكاف ايلسندن ناشى اداره مخصوصه دعاوى وكالتنه بولتان حاجريان نظرت افتدى وكيل تعيين قلنهرق يدينه وكالتنامه ويرلديكى بو كره با تذكره اشعار اولمقده زيرر ياست عليه لرنده بولتان محكمه جه دخي برهنوال محرر معامله اولنمسي لزومى امور حقوقيه مدير يندن افاده قلنمغين اجراى ايجابى

مصرح بولندیغندن ورده اسناد اولئان فعلی مضمون  
 علیهک ارتکاب ایلدیکنه دأر برکونه دلیل و اماره  
 کورمدیکی حالدہ مستنطق منع محاکمہ فی حاوی قرار  
 نامہ ویرہ جکی درکار ایسه ده بووظیفه سنی اجرا  
 ایتموبله اوراق هیئته ویرلمک ایچون کوندرو باخود  
 مستنطق کوره ییله جکی دلیل و اماره اتهامیه غیر  
 کافی بوانور ایسه اتهامنامه تک تنظیمی قابل اوله مبه  
 فقدان بحثله اولابنده استینان معامله بی مضمون  
 فی ۲ صفر سنه ۹۷ تاریخلی تحریرات شریفعلری  
 لدی المطالعہ قانون مذکورک صورت اتهامیه دأر  
 اولان باب ثانیسنک بوز طقسان طقوزنجی وایکی یوز  
 برنجی ماده لری احکامجه مدعی عمومی اوراق  
 تحقیقہ بی اخذ ایلدکن صکره ایشی ترتیب و تهیته  
 یعنی مدت معینہ سی ظرفیتده اوراق مذکورہ بی  
 خلاصه و جریان ایدن تحقیقات واستنطاق اوزرینه  
 بیان مطالعه ایدرک تنظیم ایدہ جکی تقریر ایلہ برابر  
 اوراق مذکورہ بی هیئت اتهامیه ارسال واسرا  
 واوراق مذکورہ هیئجه بعدالمطالعہ مضمون علیهک  
 اتهام اولنسی ادعاسنی مضمون ایکوز التبعی ماده  
 موجبجه مدعی ادعا نامہ سنی تسلیم واعطا ایدہ جکی  
 کی مضمون علیهک هیئجه اتهام اولندیغنه دأر  
 ویریلہ جک اتهام مضبوطہ سی احکامی داخلندہ  
 مدعی عمومی طرفندن اتهامنامه قلم التهرق محکمه  
 استینافجه اقامه دعوی اولندہ جعی ومضمون علیهک  
 برائت ذمته ویاخودجنایتله اتهامی ادعا اولنمش ایکن  
 هیئجه جنحه وقباحتہ قرار ویریلہ رک ایجاب ایدن  
 محکمه یه حواله کیفیتنی حاوی ویریلہ جک قرارنامه  
 قناعت بخش اولدیغنی حالدہ مدعی عمومی برجہ نه یولده  
 حرکت اولنق لازمکه جکی بحیثه کلنجہ هیئت  
 اتهامیه تشکیکندن مقصد اصلی تحقیقات اولہ  
 واوراق استنطاقیہ بی بردها حده تدقیقندن کچورہ رک  
 حقیقت حاکم ظاهره اخرا جمدن عبارت اولدیغنه

KUTUPHANASI

( فی ۲۲ صفر سنه ۹۷ وفی ۲۲ کانون ثانی سنه )  
 ( ۹۵ تاریخ والتبوز یتشیدی عددیله محکمه تمیز )  
 ( جزا دأرہ سندن ویریلان اعلامک صورتیدر )  
 ازبیرده مقیم کریدلی صراف انطوناکینک کیفیت  
 قلمہ دأر محکمه استیناف ولایتدن مذیل ازبیر  
 سنجاغی بدایت محکمه سی مضبوطہ سسیله اوراق  
 متفرعه سی آیدن ولایتدن ۲۹ ربیع الاول سنه ۹۶  
 وفی ۱۰ مارت سنه ۹۵ تاریخلی واون بر نومرولی  
 تحریرات ایلہ کوندرلمش اولنله محکمه تمیز جزا  
 دأرہ سنده مطالعه فلندی  
 مالآرنده طقسان درت سنه سی مایسنک یکرمی  
 سکرنجی بازار ایتسی کیجه سی مزبور انطوناکینک  
 جسدی ازبیرده واقع چارلی باغچه جوارنده بولنوب  
 کشف اولندفده مر قومک یکرمی ایکی برندن  
 وبوغازندن بحروحا وفات ایتش اولدیغنی طیب  
 طرفندن ویریلان راپورطده کوسترش وقاتلاری  
 دخی کریدلی باقرجی دیمتری و یونانی پچاجی پنابوط  
 ایلہ نمغلی پلاموطجی پنابوط اولدقلری استخپار  
 قلمش اولدیغنه مبنی مر قوملر طویلوب تدقیقات  
 استنطاقیہ لدی الابدتار بونلردن نمغلی پنابوط  
 پچاجی پنابوطک صراف مزبور انطوناکیه بورجی  
 اولدیغندن برکون برلکده انطوناکینک دکانه  
 کیدوب پچاجی پنابوط سندی تبدیل وتجید ایلدیکی  
 جهته کندوسی شاهد یازلدقندن صکره مر قوم  
 پچاجی پنابوط باغچه یه کیدرک ییوب اکلنلم دیمسی  
 وصراف انطوناکینک موافقت ایلسی اوزرینه  
 مر قومک ویرمش اولدیغنی پشمش قیون باشلرینی  
 باقرجی دیمتری الوب مورناکیه خارجده باغچه لر  
 اره سنده واقع بجاقه تک قهوه خانه سنه کتوردکلرنده  
 مزبور صراف انطوناکی توتونجی دیگر انطوناکی  
 ایلہ برلکده اورایه کلبریلہ جله سی بش کشی اولدقلری  
 حالدہ اخشامه قدر اکلنوب بعده فیاوز نام فاجشه تک

کار خانه سنه عزیمت ویرمدت ارآمدن صکره  
 کندوسی باقرجی دیمتری بی خانه سنه ابصال ایدوب  
 عودت لرینه مر قوملر ایلہ برلشوب خرستو اوغلی  
 دیگر پنابوطک قهوه خانه سنه برقدح عرق  
 ایچدکن صکره مر قومان صراف انطوناکی ایلہ  
 پچاجی پنابوط ایلدکاری مقاوله اوزرینه یته مزبوره  
 فیلوزک کار خانه سنه کتمک اوزره کبروقلوب کندوسی  
 مر قوملردن مفارقتله خانه سنه کتدیکنی و فرداسی  
 پلاموط ایشله مک اوزره دکانه کیدر ایکن بر شخصک  
 مقتولا بولندیغنی یولده تصادف ایلدیکی الی وانکلیفو  
 واونیبانام خاتونلردن ایشتمدیکنی بیان ایدرک  
 وباقرجی دیمتری و توتونجی انطوناکی و نمغلی پنابوط  
 دخی مقتوله صورت رفاقتلرینی پچاجی پنابوط کی  
 حکایه ایلدک قتل مذکورده مدخلرینی انکار  
 ایلش ایسه لده کار خانه جی فیلوز مر قوملر او کیجه  
 خانه سنه کلوب برمدت اوتوردقندن وایچلرند  
 توتونجی انطوناکی و نمغلی پنابوط وباقرجی دیمتری  
 کتدکن صکره صراف انطوناکی زیاده سسیله  
 سرخوش اولوب قالمق افکارنده بولندیغنی و کندوسی  
 دخی قالملرینی تکلیف ایلش اولدیغنی حالدہ مر قوم  
 پچاجی پنابوط ابرام واصرار ایتسیله یته کلک اوزره  
 شمسیه سنی براقوب کتدکلرینی بیان ایتش اولدیغنه  
 ولدی التجری مر قوم پچاجی پنابوطک خانه سنه قالی  
 چوقه ستی ویلک وبالطو ایلہ بصمه فرنک کومایکی  
 بولنوب بونلرک اوزرنده بولنن لککلر انسان قالی  
 لککسی ایدوی عندالمعاینه اکلاشلش ایدوکنه  
 وخرستو اوغلی پنابوط او کیجه مر قوملر قهوه  
 خانه سنه کلوب عشرت ایلدکاری ایشاده پچاجی  
 پنابوطک لابس اولدیغنی البسه خانه سنده ظهور ایدر  
 مذکور قانلی اثواب ایدوکنی یمن ایلہ خبر ووروب  
 او کیجه مقتول ایلہ کصکره برلکده بولنن باقرجی  
 دیمتری ایلہ پچاجی پنابوط اولوب بونلر صراف

انطونای ایله مقل جوارینه کلدگری بی بیان ایدوب  
اندن صکره صرف مرقومک نه طرفه کتدیکنی  
خبر وبرماش اولدقلرینه مینی مرقوم صرف  
انطونای بی باقرجی دیمترینک معاوندیله پچاجی پناپوطک  
بانصو قتل ایلدیکی تبین ایش اولدیغندن مرقوم  
پچاجی پناپوطک قاتل معتمدره دأر بوانسان یوز  
یتمشجی ماده قانونیه تطبیقا اعدامنه وباقرجی  
دیمترینک معین قاتلار حقنده موضوع اولان یوز  
یش بشنجی ماده قانونیه تطبیقا وطفسان بش  
سنه سی جادی الآخره سنک سکرنجی کونشدن اعتبارا  
بعدا لشهر اوچ سنه مدته کور که قونلمسنه حکم  
اولنه رق تبایغ قلندیغی ومرقومان تونونجی انطونای  
ونمیلی پناپوطک بو یلده مدخلاری ثابت اوله مدیغندن  
تونونجی انطونای مقدا صالیو یرلدیکی کی منلی  
پناپوطک دخی تخلیه سببانه قرار و یرلدیکی محکمه  
بدایت لوا مضبطه سنده اشعار ومحکمه استیناف  
ولایتدن ذیلده دخی مرقوم باقرجی دیمترینک حرکتی  
قتل مذکوره اشترک راده سنده کورندیکنندن  
مرقومک ماده مذکوره حکمنه توفیقا اون سنه مدته  
کور که قونلمسی صورتی ازار قلنمشدر

( فی ٦ ربیع الاول سنه ٩٧ وفی ٥ شباط )  
( سنه ٩٥ تاریخ ویدیوز عددیله محکمه تمیز جزا )  
( دأره سندن ویریلان اعلامک صورتدر )

سلانیک سنجاغنده واقع عورتحصار قضاسنه تابع  
میا طاغلی تاجر حاجی حسن اغانک جرح وقابنی  
مصطفانک قتل ایلدکلری ادعا اولتمسی اوزرینه  
اجرا قلنان تحقیقاتی وو یریلان حکمی حاوی سلانیک  
ولایتندن ٢٤ ربیع الاول سنه ٩٦ وفی ٥ مارت  
سنه ٩٥ تاریخلی والی نومرولی تحریرات ایله  
کوندریلان محکمه استیناف ولایتدن مذیل لوا مذکور  
بدایت محکمه سی مضبطه سی واوراق متفرعه سی  
محکمه تمیز جزا دأره سنده مطاعه قلندی

مضبطه مذکورده مرقوم حاجی حسن اغا طقسان  
درت سنه سی مایسنک بشنجی جمعه کونی قابنی  
مرقوم مصطفی وکویلیسی علی مصطفی  
وسوله لی محله لی حاجی بکر والحق محله لی حاجی  
دورمش اغا ایله برلکده کولکی بازارندن عودت  
ایدرلر ایکن اورمان ایچنده برسلاح اتیلوب قورشونی  
دوداغنی صیرده رق کچمسی عقینده اسمنی بیلدیکی  
نوطیه قریه لی ملاقونک اوغلی کورمسيله برابر  
بش ال سلاح دها اتیله رق قورشونلرینک بریسی

صول دیرسکی التندن وابکیسی دخی قاصقلری  
اوزرندن کچدیکی کی بریسی دخی قابنی مصطفانک  
صول مکه سنه اصابتله جرح وقتل ایلدیکنی  
وبوسلاحلری اثانله کیوانلی محله لی دلی اسماعیل  
واوغلی ممش وچالشیدن صالح اوغلی مصطفی  
وچین چین حسین افندیگ اوغلی حسن ونوطیه لی  
طورخان ایله مرقوم ملاقونک اوغلی اولدیغنی  
رفیقلری مرقومون ایله اوئوز نفر قدر بازار جیلرک  
کور دکلیرینی وحادثه دن برکون اول اشخاص  
مرقومه نک ماچقوه طرفلرنده کندوسنی بکلکده  
اولدقلرینی قره ستانلی یوز باشی اسماعیل اخبار ایلیسی  
اوزرینه اورادن کچماش اولدیغنی حانده فرداسی  
کولکی بازارنده برچوقه جی دکاننده اوتورر ایکن  
مرقوم چین چین حسین افندیگ دیگر اوغلی  
مصطفی ایله صالحک دیگر اوغلی حسن یانه کلوب  
نه وقت کلدیکی وزه دن کچدیکنی سؤال ایلدکلری  
جهتیه اشخاص مرقومه نک فلاغوزلری دخی  
مرقومان اولدیغنی واشخاص مرقومه حادثه دن  
صکره حاقریه سنه کیدوب بعض خرسیتیانله  
بو ایشی کوزجه بتوره مدک مصطفی کی حسنی دخی  
برقاج کونه قدر بتوررز دیدیکی خبرالدیغنی  
بیان ومقتول مصطفانک باباسی احمد دخی حادثه بی  
احمد اوغلی اسماعیل وایبوش اوغلی احمد وصدره  
احمد دخی کوردکلرینی واوغلی مصطفی بوندن  
اقدام دلی اسماعیل فیض الله نام کسنه بی قتل  
ایلدیکنی اخبار ایلسندن ناشی مرقوم دلی  
اسماعیل اوغلی مرقومه عداوتی بولندیغنی  
اتیان ایله اقتضاسنی ادعا ایتملری اوزرینه اجرا قلنان  
تحقیقاتده مرقوم دلی اسماعیل اگرچه او ائنده از میر  
وکلیبولی وقلعه سلطانیه طرفلرنده بولندیغنی  
اثبات ایلده جکئی افاده ویدنده بوانسان مرور  
تذکره سنی دخی ارابه ایش و مرقوم چین چین

حسین افندیگ اوغلی حسن دخی وقعه کونی  
قریه سنده بولندیغنی سولیش ایسه لده مرقوم دلی  
اسماعیل وقعه دن بش کون اول صوما چقلکنه  
قریب درده برطاقم رفیقلریله مقتول مصطفای  
ارادیغنی بعض کسان طرفلرندن خبر ویرلسنه  
ومرقومون اسماعیل واحد ودیگر صدره احمد دخی  
تفنگرک آتلیسی عقینده دلی اسماعیل اشخاص  
مرقومه میاننده اولدیغنی واوموزنده برعسکر تفنگی  
بولندیغنی حانده طاغله طوغری قرار ایلدیکنی  
کوردکلرینی قسمله اخبار ایتملرینه ومرقومان  
حاجی حسن اغا ایله مقتول مصطفایه فیض اللهک  
قتلی ماده سندن واشقیادن اوغلی ابراهیم میتاله  
کچورلسنه حاجی حسن اغانک سبب مستقل اولسندن  
طولانی دلی اسماعیل عداوت سابقه سی اولسنه  
واراز ایلدیکی بول تذکره لرینگ قید تاریخلری  
اکثر افاده سنه مبان کورنسنه وعقیب حادثه ده  
فرار ایدوب بو یولده محکوم سابقه سی دخی بولسنه  
ومرقوم چین چین حسین افندیگ اوغلی حسنک  
دخی تفنگرک آتلیسی عقینده طاغله طوغری قرار  
ایدنلرک ایچنده بولندیغنی مرقومون اسماعیل  
واحدل طرفلندن خبر ویرلسنه واکرچه احمد  
خواجه ایله عثمان نام کسنه لر مجبردن اسماعیل  
ایلله احمدک حادثه کونی مقل طرفلرنده بولمیبوب  
حادثه نک خبری کلدیکی وقت کویده وکندویانلرنده  
بولندقلرینی وغمچور علی نام کسنه دخی بازار جیلرک  
عودتندن صکره مرقوم چین چین حسین افندی  
اوغلی حسن ایله برلکده اوکون خانه سنده دیوار  
یایدقلرینی سولیش ایسه لده افاده لرنه مبانیت  
بولسنه وشووقوعات جمعه نمازندن صکره اولوب  
مرقوم غمچور علینگ حسنله خانه سنده ملاقاتی  
ایسه جمعه نمازینی بعدالادا کندی خانه سنده  
بریحق ساعت اقامه ایلدکن وهر کس بازاردن

عودت ابتدا کدن صکره وقوعه ورق مر قوم حسنی  
 اوبله وقتی هجج بر کورن اولمامسنه ومر قوم حسن  
 استنطاق اولنور ایکن مر قوم ابله بر لکنه دیوار  
 یایدیغنی قاله لمامسنه ومر قومک محله سی ابله مقتل  
 بینی بر یجق ساعت مسافه اولسنه ومر قومان چین  
 چین حسین افندی ابله عثمان یکدیگر ینک عمرزاده سی  
 اولنرینه نظرا قتل مذکورک بوالتی کشیدن صدوری  
 تبین ایدوب فقط بالفعل قاتل قنغیسی ایدوکی بیله  
 مدیکی وچین چین حسین افندیکن دیکر اوغلی  
 مصطفی حاول اجله حبسخانه ده وفات ایدوب  
 صالح اغا اوغلا ری مصطفی وحسن ابله دلی اسماعیل  
 اوغلی حسنک دخی بر ائلی تیبن ایلمندن ناشی  
 صالیورلدگری ومر قومون عیش وطور خان  
 وملاقونک اوغلی الحاله هذه اله کچور یله میوب  
 تحری اولمقده بولندیغنی جهتهله مر قومان دلی  
 اسماعیل وچین چین حسین افندی اوغلی حسنک  
 یکدیگره معین صفتیله یوز تمش بشنجی ماده قانونیه  
 حکمنه تطبیقا وتاریخ توقیفلی اعتبار یله مر قوم  
 دلی اسماعیلک طقسان بش سنه سی جهادی الایسنک  
 یکر می بشنجی کونندن اعتبارا سابقه سی وعداوتی  
 سبب شدت عد اولنورق بعد التمشهیر اون بش  
 وحسنک دخی ماه مذکورک یکر منجی کونندن اعتبارا  
 بش سنه مدتلرله کورک قونلرینه وادعا وقوعنده  
 حقوق شخصیه جهتنک شرع شریفه حواله سنه  
 حکم ایدیلرک تبلیغ اولندیغنی اشعار ومحکمه استیناف  
 ولایت ذیلنده دخی بو خصوصک تحقیقات اولیه سی  
 محکمه بدایت قضاده اجرا اولنمامش ایسنه  
 بو صورت مر قومانک طوتلدقاری وقت طوغریجه  
 مرکز لویه کوندرملرنندن ومدعیلرک دخی مرکز  
 لواده بولنلرنندن نشأت ایلدیکی ومر قومان حکم  
 واقعی عدم قبول ابله اعتراض لایحه سی ویرمشلر  
 ایسنه ده قتل مذکورک مر قومان ابله فراری

رفیقلرنندن صدوری اخبارات ابله مثبت ایدوکی  
 ومر قوم دلی اسماعیلک ذاناک کورک جزاسیله محکوم  
 ایکن باطومه کوندر یلوب اورادن عودت ایلدیکی  
 متعاقب افعال سابقه سی تکرار ایلمسی سبب شدت  
 عد اولنورق اون بش سنه کورک قونلیسی مناسب  
 ایسنه ده حسنک بر کونه سابقه سی اولدیغنی جهتهله  
 بش سنه کورک جزاسی بر از ذیاده جه کورندیکندن  
 مر قوم حسنک اوج سنه مدتهله کورک قونلیسی تنسیب  
 اولندیغنی اشعار قلمشدر  
 اوراق مر قومه میاننده بولنسان لایحه اعتراضیه  
 خلاصه مآلی دخی مدعیکنک قضایدایت محکمه سنه  
 کیدوب دعوا ایده مامسنه ووجودنده اثر جرح کور یله  
 مامسنه ومخبرک بلانجیلرلی مشهور اولسنه نظرا  
 بودعوانک مصنوع برشی ایدوکی بدیهی اولندیغنی  
 میندر  
 ایجابی لدی المذاکره ذکر اولنسان قتل وجرح  
 فعللرینک مرکز ولایت اولان سنجاقده وقوعی  
 جهتهله امر محاکمه نک محکمه استیناف ولایتده  
 اجراسی نظاما مقتضی ایکن کیفیت لوا بدایت  
 محکمه سنه رؤیت اولنمش واکرچه بو بولده یعنی  
 هر کزد، وقوعبولان مواد جنائیه به دأر لوابدایت  
 محکمه سندن صادر اولان حکملرک بولنده کورلدیکی  
 حالده تصدیق بوراچه اکثرتهله قرار کیر ایسنه ده  
 خصوص مذکور حقنده تحقیقاتجه بعض نوافص  
 دخی کورلمشدرکه برنجیسی مقبولک صورت مقبولتی  
 بیلمک اوزره کشف ومعاینه سی اک اول اجرا  
 اولنه جق معاملاتن ایکن بوکا دأر بر کونه اشارت  
 اولیوب اگرچه بونک عدم اجراسنه تحقیقات  
 اولیه نک مرکز ولایتده جریانی سببیت ویرمش  
 اوله جفی صورت اشعاردن منقهم اولیور ایسنه ده  
 قتل مذکورک وقوعی حکومت محلیه خبر لمامشیدر  
 المش ایسه کشف ومعاینه سنک اجر اولنمامسنه سبب

نه اولمشدر وخبر المامش ایسه انک سببی ندر ومقتول  
 نه صورتله وزیه دفن اولمشدر وغسال طرفندن  
 اولسون جسندنه علامت تعدی کورلمشیدر  
 بورالرنسک تحقیق ایدنمامسی ایکننجیسی مجروحک  
 یاره سنک دخی بدایت وقعه ده معاینه اولنمامش اولسه  
 بیله اثری قالب قالدیغنی بیلمک اوزره مؤخر دخی  
 ایجاب ایدن معاینه اجرا اولنمامسی اوکنجیسی مادام که  
 مر قومانک علیهنده شهادت ایدنلرک کذب افاده لری  
 حقنده اخبارات وقوعبولمشدر ومادامکه دلی  
 اسماعیل زمان وقعه ده بولندیغنی محملری سائر صورتله  
 دخی اثبات ایده جکنی سو یلدیکی استنطاقنامه ده  
 محرردر ایکنجی مخبرک افاده لرینک مضبطه ده بیان  
 اولنسان درجه ده مباینتی ودلی اسماعیلک افاده سنک  
 بعض مرتبه یول تذکره سنه عدم موافقتی ابله اکتفا  
 جاز اولیوب هر ایکی طاق مخبرک احوالی محملرندن  
 سؤال ابله بو بولنده اولان تحقیقات تعقیق ودلی  
 اسماعیلک بولندیغنی بیان ایلدیکی محملردن دخی  
 کیفیت تحقیق ایدنمامش اولسی ودر دنجیسی مدعیلرک  
 بیان ایلدکلی خصوصت ماده سنک ده لایقیله محملندن  
 تحقیقنه کیدنمامسی قضیه لیدر بناء علیه حکم  
 مذکورک تصدیق قابل اولدیغندن کیفیتک احکام  
 قانونیه دأره سنه رؤیتی ضمننده اوراق مر قومه نک  
 اعاده سنه قرار ویرلدی

( فی ۳ ربیع الاول سنه ۹۷ و فی ۲ شباط )  
 ( سنه ۹۵ تاریخ والتیوز طقسان اوج عددیله )  
 ( محکمه تمیز جزا دأره سندن ویریلان اعلامک )  
 ( صور تیدر )

بیضا سنجاعنده واقع دیمتوقه قضاسنه تابع احق  
 قریه لی اوستیان که بیانک کیفیت قتلنه دأر اول و آخر  
 اجرا قلنان تدقیقات ومحاکماتی حاوی لواء مذکور  
 بدایت محکمه سنک مضبطه سنیه ذیلی واوراق

متفرعه سی شهر امانندن فی ۲ شعبان سنه ۹۶  
 و فی ۹ تموز سنه ۹۵ تاریخلی والتمش درت نومرولی  
 تذکره ابله کوندرلمش اولمغله محکمه تمیز جزا  
 دأره سنه مطالعه قلندی  
 ( بقیه سی صکره )

( اعلان رسمی )

اشقودره ایالتیه مستقلا اداره اولمقده بولسان  
 تر حاله وقدر شریف ومعموره العزیز سنجاقلرنده  
 بالکر بر بدایت محاکمی بولندیغنی جهتهله ملحق قضای  
 محاکم ابتدایه سندن صادر اولان حکملرک تشکیل محاکم  
 قانون موقتی حکمنجه ذکر اوانان محاکم بدایتده استینافا  
 رؤیت اولنیه بیله جکی درکار ایسنه ده بو حکملردن  
 بدایت ویریله جک حکملر ایچون بر محل استیناف اولدیغنه  
 مبنی بولنر ایچون بر موقع استیناف انتخاب وتعیینی  
 لازم کلدرک ایات مذکوریه مناسر و تر حاله وقدر  
 شریف ومعموره العزیز سنجاقلرنیه دخی سلانیک  
 سوریه دیار بکر ولایتلی محاکم استینافیه سنک مرجع  
 استیناف اتخادی حقنده عدلیه نظارتندن اوانان  
 استیدان اوزرینه اولوجهله اجرای انقضاسی باش  
 وکالت جلیله مقام عالی سندن امر و اشعار بیورلمش  
 و صورت حال لازم کلانله بیلدیلمش اولمغله اعلان  
 کیفیته ابتدار قلندی

بادزون قادیکنک شاذیک قادینده با اعلام الاجفی اولان  
 مبالغ معلومه ده مقابل مر هون اولان بر جفت الماس  
 کویه ابله درت عدد الماس یوزک و بر عدد الماسلی  
 فرمالک فروختی محکوم اولمغله تاریخ اعلانندن  
 اوج کون صکره یعنی ماه ربیع الاولک یکر می در دنجی  
 جمعه ابرتسی کونی اسکدار بدایت محکمه سی اجرا  
 ماوریتندن در سعادتده قویو جی چارشوسننده  
 بدستانده مزایده وفروخت اولنجه قنندن طالب

اولنلرك بوم مذكوره قوبوجيلر كتنخاسى دكانده بولنه جق مأموره مراجعت ايللرى اعلان اولنور

باراده عليه دستورك دردنجى جلدى بودغه مطبعه عامر ده غابله مصحح صورتده ويك ايكيوز صحيفه بي محتوى اولديغى حالده طبع ايديلهرك موقع انتشاره قولمش اولديغندن مجلدى مجديه اقچه ايله الى واجزاسى فرق بش غروشه مطبعه عامر ده و معارف كتنخانه سنده و باقچه قپوسنده حسن افانك دكانده وساير كتاب ساتان دكانلرده فروخت اولمقده ايدوكى اعلان اولنور

لازارينك مرحوم ابراهيم پاشا حليله سى عايشه خانمه با اعلام محكوم به دينى بولنان مبالغ معلومه نك تا مين استيفاسى ضمنده مر قومك عهده سنده اولوب رضا و تقريرينه با قلمسز ين فروختى محكوم بولنان اقضرايده واقع برباب ملك بقال دكاني در سعادت مركز اجرا داره سندن فروخت اولنه جنى اعلان اولنور

فروشو قادينك علقو قالفه زوجه سى ماريوره قادين ذمتده <sup>۹۵</sup> <sub>۷۶۲</sub> نومرولى اعلام موجبنجه مطلوبى اولان مبالغ معلومه نك تسويه سى ضمنده مديونه مزبوره نك اورته كويده حمام زقاغنده بلا نومرو متصرفه اولديغى عرصه سنىك فروختى محكوم اولسى جهته لى المزايده ليرا يوز غروش حسابيله ايكي بيك اوچيوز غروشده طالبى عهده سنده تقرر ايدوب شباطك اون اوچنجى كوني موقتا قرار داده سى چكلىش اولديغندن طقسان اتى سنده سى مارتينك اون دردنجى كونه قدر اوتوز بركون

ظرفنده تقرر ايدن بدل اوزرينه يوزده بش ضمنده طالب اولنلرك بك اوغلى بدایت محكمه سى اجرا مأمورينته مراجعت ايللرى و اندن صكره عرصه مذكورك طالبنه قطعيا فروختى مقرر بولنديغى اعلان اولنور

عدويه خانك ميخالامى يوسفيدى به با اعلام محكوم به دينى بولنان مبالغ معلومه نك تسويه سى ضمنده سر اجخانه باشنده كان عتيق فرق يدى و جديد فرق طقوز نومرولى متصرف اولديغى برباب بقال دكاني در سعادت مركز اجرا داره سندن فروخت اولنه جنى اعلان اولنور

اغبازارك بوان و افرو سينه به با اعلام محكوم به دينى بولنان مبالغ معلومه نك تسويه سى ضمنده بشكطاشده خاص فرون جوارنده بيرام اوغلى دكاني ديمكاه معروف التمش سكر نومرولى دكانك مديونك عهده سنده بولنان يوز يكرمى اچقون دن سكر بچق اقچه سى در سعادت مركز اجرا داره سندن فروخت اولنه جنى اعلان اولنور

محاکات حقوقيه و جزاويه و تشكيل محاکم و اعلاماتك صورت اجراسى قانونلري به خرج تعرفه سى مؤخر تقرر ايدن تعديلاتلري به برابر بوكره يكي دن طبع اولنه رق منحصر اعدليه لوازم مأمورينته و سلطان محمود تره سى زندنه معارف كتنخانه سيله طحاف چارشوسنده ساتمقده در مذكور قانونلري زائد فيئاله كيمسه المامق ايچون اعلان اولنور بسيم افندي دكانده طاقى اون برغروشدر

مطبعه عامر ده طبع اولندي